

# GLASTIR

## COD Y FFERM GYFAN

Yn amodol ar gymeradwyaeth y Comisiwn Ewropeaidd, bydd cod y fferm gyfan yn denu taliadau ar y gyfradd ganlynol:

- £15 yr hectar y flwyddyn am yr 20 hectar cyntaf
- £8 yr hectar y flwyddyn am y 30 hectar nesaf
- £2.75 yr hectar y flwyddyn am yr 50 hectar nesaf

Er mwyn atal rhai rhag hawlio ddwy waith, ni fydd y ffermydd hynny sydd â chytundeb Tir Gofal neu Tir Cynnal presennol neu estynedig yn cael hawlio'r taliad hwn hyd nes y daw eu cytundebau Tir Gofal neu Tir Cynnal i ben.

Mae'r amodau rheoli canlynol yn berthnasol i'r holl dir sy'n dod o dan y cytundeb:

Rhif	Amod rheoli
1	<b>Rhaid i bob ymgeisydd gydymffurfio â'r gofynion trawsgydymffurfio GAEC ac SMR yn unol â'r meini prawf cymhwysedd.</b>
2	<b>Gwarchod ardaloedd cynefin.</b>  Ystyr cynefin yw 1) unrhyw lystyfiant â llai na 25% ohono'n rhywogaethau amaethyddol sydd wedi'u hau, yn unol â rheoliadau EIA <b>A 2)</b> yr <b>HOLL</b> dir sy'n destun amodau cytundeb Amaeth-Amgylcheddol blaenorol o ran cynnal, adfer, sefydlu neu greu cynefin.  <b>Mae'r mesurau canlynol yn gymwys yn unig i gynefinoedd sy'n bod eisoes:</b>  Rhaid peidio â rholio na llyfnu tir cynefin rhwng 15 Mawrth a 15 Gorffennaf  Rhaid peidio â gosod draeniau newydd na newid draeniau sy'n bod eisoes. Nid yw hyn yn cynnwys gwaith cynnal a chadw arferol. Ceir diffiniad o waith cynnal a chadw arferol yn y pecynnau canllaw.  Peidiwch â chodi mawn.  Peidiwch â chlirio ffosydd rhwng 1 Mawrth a 31 Awst.  Peidiwch â gwasgaru slyri, gwrtaiith anorganaid, slag basig, gwymon calchog, slwtsh carthion, slwtsh papur gwastraff na gwastraff arall o'r fferm ac oddi ar y fferm ar y tir hwn. Caniateir

	<p>gwasgaru dom buarth dim ond lle caniateir hynny gan un o opsiynau cynefin penodol Glastir.</p> <p>Peidiwch â defnyddio plaladdwyr o unrhyw fath oni bai'ch bod i) yn eu defnyddio'n lleol iawn i sbot-chwynnu a rheoli chwyn hysbysadwy fel marchysgall, ysgall y maes, tafol crych, dail tafol a llysiâu'r gingroen, neu rywogaethau tramor fel clymog Japan, rhododendron a Jac y Neidiwr; neu ii) rheoli rhywogaethau goresgynnol ar nodweddion hanesyddol ac adeiladau traddodiadol ac adeiladau fferm.</p> <p>I sgeintio rhedyn â chwynladdwr, rhaid cael caniatâd EIA. Rhaid cael caniatâd CCGC ar safleoedd sydd o fewn 100m i SoDdGA. Mae angen caniatâd AyrA ar safleoedd ger cyrsiau dŵr.</p> <p>Peidiwch â storio tail (dom), silwair na gwastraff y fferm ar dir cynefin, nodweddion tirlun neu archaeolegol nac o fewn 10 metr i gwrs dŵr.</p> <p><b>Efallai y bydd eithriadau i'r amodau uchod ar gynefin lle bo gofyn iddynt esgor ar fanteision amgylcheddol y cynllun uwch.</b></p>
3.	<b>Peidiwch â chloddio craig, sgri, tywod, graean, cerrig mân, clai na mawn</b> (ac eithrio lle bo gennych ganiatâd cynllunio eisoes). Peidiwch â llosgi llystyfiant ar graig.
4.	<b>Rhaid cadw cofnodion ar gyfer pob cae ynghylch y tail buarth, slyri, gwrtait, gwymon calchog, calch, plaladdwyr a chwynladdwyr sy'n cael ei roi arno.</b>
5.	<b>Peidiwch â thrin y tir o fewn 2m i gwrs dŵr neu gynefin gwlyb.</b>
6.	<p><b>Peidiwch â rhoi tail da byw na dŵr budr ar bridd sydd wedi'i rewi'n galed neu'n ddwrlawn.</b> Ystyr 'wedi'i rewi'n galed' yw pridd sydd wedi'i rewi am fwy na 12 awr. Nid yw dyddiau pan fydd pridd sy'n rhewi dros nos ond sy'n dadmer yn ystod y dydd yn cyfrif.</p> <p>Rhaid peidio â storio tail, silwair na gwastraff arall y fferm mewn ardal lle ceir perygl o lifogydd yn ôl AyrA nac ar lethr o fwy na 7°, fel y'u diffiniwyd gan Asiantaeth yr Amgylchedd (peryl o 1 bob 100 mlynedd). Eithriad i hyn yw pan fo mwy na 90% o'r daliad o fewn yr ardaloedd hyn. Bryd hynny, rhaid gofyn i Asiantaeth yr Amgylchedd am gyngor, a chydymffurfio ag ef mewn lle storio addas.</p>
7	<p><b>Os ydych yn tyfu indrawn, rhaid cadw at yr arferion canlynol:</b></p> <p>Rhag i bridd gael ei olchi gan ddŵr, RHAID cadw at UN o'r arferion canlynol:</p>

	<ol style="list-style-type: none"> <li>1. Troi'r pridd ar ôl y cynhaeaf ag aradr gynion rhag iddo gywasgu</li> <li>2. Hau rhygwellt o dan yr indrawn</li> <li>3. Chwalu tir sydd wedi'i gywasgu gan olwynion tractor â phigyn a phlannu gorchudd gaeaf.</li> </ol> <p>Ar lethr o fewn na 7<sup>o</sup> sy'n risg uchel yn ôl Asiantaeth yr Amgylchedd neu ger cwrs dŵr, rhaid sicrhau llain glustogi sydd o leiaf 2m o led wrth droed y cae i rwystro gwaddodion rhag cael eu golchi oddi ar y cae.</p>
8	<b>Peidiwch â chyflwyno unrhyw anifail neu blanhigyn nad yw'n gynhenid</b> , heblaw at ddiben cynhyrchu amaethyddol (gan gynnwys anifeiliaid hela) neu gynhyrchu coed masnachol, <b>ar dir o dan gytundeb</b> .
9.	<b>Diogelwch hen goed a choed mewn caeau.</b> Peidiwch â niweidio coed trwy drin y tir yn rhy agos at eu gwreiddiau. Diogelwch nhw rhag drifft sgeintio ac ati. Peidiwch â thrin tir o dan y canopi. Os gwelwch fod coeden neu ran o goeden farw neu heintiedig yn beryglus, cewch ei symud. Peryglus yn yr achos hwn yw ei bod yn ddigon agos i lwybr cyhoeddus neu ganiataol fel y gallai deunydd sy'n cwmpo oddi arni gau'r llwybr neu lle bo'n ddigon agos i lwybrau mynediad neu adeiladau y gallai canghennau gwmpo arnyn nhw a'u difrodi. Pan fyddwch yn torri coeden sy'n berygl neu ran ohoni, dylech dynnu llun i ddangos ei bod yn beryglus os gofynnir ichi wneud hynny.
10	<b>Dylid cadw adeiladau traddodiadol ac olion adeiladau</b> , waeth beth yw eu cyflwr oni bai eu bod yn beryglus. Peryglus yn yr achos hwn yw bod yr adeilad yn ddigon agos i lwybr cyhoeddus neu ganiataol fel y gallai deunydd sy'n cwmpo oddi arnyn nhw gau'r llwybr neu lle bo'n ddigon agos i lwybrau mynediad neu adeiladau y gallai rhannau ohonynt eu difrodi. Pan fyddwch yn dymchwel adeilad traddodiadol neu ran ohono sydd yn eich barn chi'n beryglus, bydd gofyn ichi dynnu llun i ddangos ei fod yn beryglus os gofynnir ichi wneud hynny.
11.	<b>Peidiwch â difrodi nodwedd hanesyddol sydd wedi'i nodi ar fap y cytundeb.</b> <p>Mae difrod i nodwedd hanesyddol yn golygu UNRHYW RAI o'r canlynol:</p> <ul style="list-style-type: none"> <li>• Tarfu ar y pridd neu dyrchu ynddo, yn enwedig o dan yr uwchbridd</li> <li>• Dympio neu storio deunydd, gan gynnwys creu storfa dros dro</li> <li>• Codi deunydd gan gynnwys cerrig, pridd neu isbridd</li> <li>• Arwyddion gweledol o erydu byw (colli a thyrchu uwchbridd neu isbridd) gan anifeiliaid neu gerbydau neu waith amaethyddol</li> </ul>

	<ul style="list-style-type: none"> <li>• Plannu coed (ac eithrio plannu coed ‘tebyg am eu tebyg’ yn lle coed eraill mewn tir parc dynodedig)</li> <li>• Caniatáu i brysgwydd ddatblygu</li> <li>• Aredig neu ail-hau</li> <li>• Synud nodweddion cerrig unigol</li> </ul> <p>Rhaid gofalu nad oes unrhyw ddifrod i unrhyw “Barc Hanesyddol” neu “Ardd Hanesyddol” sydd ar Gofrestr y Parciau a’r Gerddi Hanesyddol.</p> <p>Mae difrod yn golygu UNRHYW RAI o’r canlynol:</p> <ul style="list-style-type: none"> <li>• Codi cynlluniau plannu hanesyddol sydd wedi’u nodi ar y gofrestr</li> <li>• Codi neu darfu ar nodweddion adeiladau neu dirwedd</li> <li>• Ailfodelu’r tirwedd mewn ffordd a fydd yn newid y topograffi’n fawr</li> <li>• Dympio deunydd</li> </ul>
12	<p><b>Cydymffurfio â gofynion cyfreithiol sy’n ymwneud â hawliau tramwy cyhoeddus ar dir, gan gynnwys peidio â’u rhwystro, a’u hadfer ar ôl eu haredig.</b> Rhaid caniatáu mynediad ar droed i bob tir y nodir ei fod ar gael ar gyfer mynediad o’r fath ar fapiau a baratowyd o dan Ddeddf Hawliau Tramwy 2000</p>
13	<p><b>Er mwyn diogelu gwerth y tirwedd, rhaid cadw tir y cytundeb yn lân o sbwriel fel hen gerbydau, hen ffensys, deunydd plastig a hen offer domestig.</b> Dylech glirio sbwriel o’r safle cyn dechrau’r cytundeb.</p>